



Za društvo jednakih mogućnosti!

IZVJEŠTAJ

sa šeste Konvencije

Koalicije marginalizovanih grupa u BiH „KOMA“

Sarajevo, 18. mart 2021.



Šesta Konvencija Koalicije marginalizovanih grupa „KOMA“ zbog okolnosti uzrokovanih pandemijom COVID-19, organizovana je u Sarajevu u četvrtak, 18.03.2021. kao kombinovani, hibridni događaj - dio učesnika prisustvovao je putem Zoom platforme, dio u hotelu „Holiday“ ujedno i mjestu održavanja Konvencije „KOMA“. Prisustvovalo je 68 osoba, od kojih 47 online i 21 u sali hotela (33 Ž, 35 M).

Konvenciju je riječima dobrodošlice otvorio i moderirao **Žarko Papić**, direktor IBHI, naglasivši kako je usljed pogoršane epidemiološke situacije u potpunosti zapostavljena izuzetno značajna tema procesa pristupanja BiH Evropskoj uniji, posebno važnost uloge marginalizovanih grupa u tom procesu kojima je najviše stalo da se realizuju EU standardi u socijalnom sektoru. Da bi se to postiglo, potrebno je

udruženja i pojedince koji zastupaju ranjive grupe osnažiti za zagovaračke aktivnosti. U uvodnom izlaganju napravljen je i kratki presjek sedmogodišnjeg djelovanja Koalicije „KOMA“ koja je najdugovječnija koalicija u nevladinom sektoru u BiH, sa trenutnih 119 članica, a kao takva i jedinstvena u cijelom regionu. FSU u BiH koja vrši ulogu sekretarijata i osnivač KOMA-e, jedinstvenim pristupom u odnosu na standardnu industriju projekata i obezbjeđivanjem donatorske podrške, omogućila je da sedam godina protekne u kontinuiranom pokušaju utjecaja na javne politike, fokusirajući se na određen broj problema, u cilju poboljšanja socijalnog položaja marginalizovanih grupa u BiH. Pri tome je odabran strateški pravac medija, koji je omogućio i konstantno javno prisustvo problema ranjivih grupa u BiH.

Ranka Ninković-Papić, direktorica FSU u BiH zahvalila se prisutnim na odzivu objasnivši kako se suština djelovanja KOMA-e ogleda u zajedničkim problemima koji nas povezuju. Ti problemi, suštinski, čine još uvijek aktuelnom i Deklaraciju marginalizovanih grupa u BiH, usvojenu 2019. Obzirom da je šesta Konvencija „KOMA“ organizovana u okviru projekta „Izgradnja kapaciteta organizacija civilnog društva za aktivno zagovaranje uloge marginalizovanih grupa u procesu pristupanja Evropskoj uniji“ koji FSU u BiH provodi uz podršku Ambasade Savezne Republike Njemačke u BiH, predstavila je i set urađenih aktivnosti i inovativni pristup u njihovoj realizaciji, u svrhu jačanja kapaciteta OCD-a koje predstavljaju marginalizovane grupe u BiH.

U nastavku programa premijerno je prikazan 9-minutni dokumentarni video „Glas do daske“, u kojem su glavne uloge ostvarile članice Koalicije „KOMA“ iz Gračanice, Banja Luke, Velike Kladuše i Jezerskog, Bosanske Krupe.

Merima Spahić, ispred PR agencije „Manifest“ prisutnim je predstavila interaktivni toolkit webinar sačinjen od toolkit videa u trajanju 6:44 minuta i šest statičnih toolkit grafika. Istakla je kako je FSU u BiH ova audio - vizuelna uputstva kreirala s ciljem da OCD-ima koje predstavljaju marginalizovane grupe u BiH olakša razumijevanje procesa zagovaranja i učini im stalno dostupne praktične korake za provedbu zagovaračkih i promotivnih aktivnosti vezanih za izmjene određenih zakonskih odredbi za poboljšanje uslova života i rada marginaliziranih grupa.


Premijerno su predstavljene i trominutne video grafike za promociju Akcionog plana za implementaciju ciljeva Deklaracije marginalizovanih grupa u BiH. Projekciji je prethodilo izlaganje Merime Spahić o funkcionalnosti odabranog formata za objedinjavanje najvažnijih segmenata Akcionog plana za implementaciju ciljeva Deklaracije marginalizovanih grupa u BiH, same Deklaracije i Poglavlja 19 „Socijalna politika i zapošljavanje“, dok je Ranka Ninković-Papić objasnila značaj i karakter spomenutih dokumenata, u svjetlu pristupanja BiH Evropskoj uniji.

O svim tačkama programa vođena je konstruktivna diskusija, sa uključenjima učesnika iz sale i preko platforme Zoom, s fokusom na ulogu marginalizovanih grupa u procesu pristupanja Evropskoj uniji. Otvorena diskusija počela je s prezentacijom šest projektnih FSU u BiH infografika, kreiranih sa ciljem da se javnosti ukaže na probleme marginalizovanih grupa u BiH, kao i nedostatke koje treba prevazići na putu evropskih integracija.

Zaključci

- Prihvaćeni su i aktivno će se koristiti prezentovani alati za zagovaranje, uz proaktivni pristup od lokalne zajednice prema višem nivou;

- Marginalizovane grupe u BiH zahtijevaju od svih organa vlasti u BiH da se ubrzaju dogovori i implementacija 14 prioriteta iz Mišljenja Evropske komisije o kandidaturi BiH u EU, pri čemu fokus treba biti prioritet 13 “Jačanje položaja marginalizovanih i socijalno ugroženih grupa”. Takođe, predstavnici OCD-a marginalizovanih trebaju biti aktivno uključeni u proces implementacije prioriteta;
- Pandemija COVID-19 jako je pogoršala socijalnu situaciju u BiH i s tim u skladu neophodno je razviti mjere podrške marginalizovanim grupama, inače će posljedice biti katastrofalne;
- Marginalizovane grupe zahtijevaju kreiranje programa zapošljavanja i da se pristupi izradi zakonodavstva za razvoj socijalnog poduzetništva, a zapošljavanje marginalizovanih grupa mora biti prioritet.



Kampanja vidljivosti

Tokom šeste Konvencije KOMA-e, članice su pozvane da na svojim društvenim mrežama i medijima u svojim zajednicama prosljede sljedeće linkove, kako bi doprinijeli vidljivosti kampanje „Glas do daske“:

- Link za dokumentarni video "Glas do daske":
[FSU u BiH predstavlja video "Glas do daske" - YouTube](#)
- Link za interaktivni toolkit webinar o zagovaranju:
[Fondacija za socijalno uključivanje u Bosni i Hercegovini \(sif.ba\)](#)
- Link za video grafike: Promocija Akcionog plana za implementaciju ciljeva Deklaracije marginalizovanih grupa u BiH:
https://www.youtube.com/watch?v=E0oIL_I5IPw
- Infografike su dostupne za dijeljenje na FSU u BiH Facebook stranici:
 1. [Facebook](#)
 2. [Facebook](#)
 3. [Facebook](#)
 4. [Facebook](#)
 5. [Facebook](#)
 6. <https://www.facebook.com/fsu.u.bih/photos/a.158090850998316/3599134153560618/>

Medijske objave o održanoj VI Konvenciji „KOMA“:

TV Sarajevo: https://www.youtube.com/watch?v=xTXrpYmY_28

Federalna novinska agencija Fena: <https://www.fena.ba/article/1202709/koalicija-koma-potrebne-hitne-mjere-zbog-porasta-opsteg-siromastva-u-bih>

Nezavisne novine: ["Potrebne hitne mjere finansijske podrške za ugrožene grupe u BiH" \(nezavisne.com\)](#)

Mreža za izgradnju mira: <https://www.mreza-mira.net/vijesti/razno/sesta-konvencija-koalicije-koma-potrebne-hitne-mjere-finansijske-podrske-za-ugrozene-grupe-u-bih/>

Senzor.ba: <https://senzor.ba/potrebne-hitne-mjere-zbog-porasta-opsteg-siromastva-u-bih/>

Hayat: <https://hayat.ba/potrebne-hitne-mjere-zbog-porasta-opsteg-siromastva-u-bih/373655/>

BH Radio 1: [BH Radio 1, Epicentar, Ranka Ninković-Papić, 18.3.2021. - YouTube](#)